

史記菁華錄

函一
六
冊函

史記菁華錄題辭

余少好龍門史記循環咀諷炙輠而味益深長顧其
夥頤奧衍旣不能束之巾笥又往詰評林迄無定本
嘗欲抽挹菁華批導窅御使其天工人巧刻削呈露
俾士之欲漱芳潤而傾瀝液者瀾翻曾次而龍門之
精神眉宇亦且鬱勃翔舞於尺寸之際良爲快事矣
客有諭於予者曰史記者龍門一家言也而肇摘刺
取之能無剽擄之訾乎予曰客蓋未達乎文章之原
者也古者左史記事右史記言言爲尙書事爲春秋

此史記之名所由昉也。自左氏因春秋之文作內外傳，於是言與事始並著於一篇之中。宋真德秀論次文章，正宗特分議論敘事爲兩途，實原本尙書春秋之遺意而判厥町畦。故其錄左國史漢之書一篇之文，有割其事於此而綴其言於彼者。蓋文選以下別無薈萃古文有之，自德秀始而其法已然。且左氏用編年之法，每自爲一篇以盡一事之本末。至杜元凱始分經之年與傳之年相符，後世記誦之學亦各取其一節之精妙而命之曰篇。其來舊矣，顧獨於史記

而疑之乎蓋古人之讀書也既知夫三倉五車之才
選於千萬人而不能以一二遇也吾生也有涯而知
也無涯以有涯隨無涯不亦殆乎又以爲古人比事
屬辭事奇則文亦奇事或紛糅則文不能無冗蔓故
有精華結聚之處卽不能無隨事敷衍之處掇其菁
華而畧其敷衍而後知古人之作文甚苦而我之讀
之者乃甚甘也今夫龍門之文得於善遊夫人而能
言之矣則當其浮長淮泝大江極覽夫驚沙逆瀾長
風怒號崩擊而橫飛者吾於其書而掇取之望雲夢

之泱漭觀九嶷之芊綿蒼梧之野巫山之陽朝雲夕
烟靡曼綽約吾於其書而掇取之臨廣武之墟歷鴻
門之坂訪潛龍之巷陌思霸主之雄圖鷹揚豹變忼
慨悲懷吾於其文而掇取之奉使巴岷弔蠶叢魚鳧
之疆捫石棧天梯之險縈紆晦官巉峭幽深吾於其
文而掇取之適魯登夫子之堂撫琴書親杖履雍容
魚雅穆如清風吾於其文而掇取之若夫後勝未來
前奇已過於其中間歷荒隄而經破驛頑山鈍水非
其興會之所屬斯逸而勿登焉讀其文而可以知世

遊之道如彼則文之道誠不得不如此也吾見今之
耳傭而目僂者日置全史於几案之旁自成童以迄
皓首固有一卷之文偶值夫鈞章棘句卽掩卷不遑
卒讀者徒琅琅於管嬰夷屈數傳又不得其窾却之
所存猶且號於人曰剽撈之不古也其爲自欺以欺
人豈不足胡盧一笑哉客無以難遂書其語於簡端
凡史記舊文幾五十萬言今掇其五之一評註皆斷
以鄙意視他本爲最詳約亦數萬言龍門善遊此亦
如米海嶽七十二芙蓉研山几案間臥遊之逸品也

因目之日史記菁華錄云

康熙辛丑七夕後三日李田氏題

道先中申煉八月吳興
姚氏枝於於抹齋山房

史記菁華錄

卷一

秦始皇本紀

項羽本紀

高祖本紀

高祖功臣年表

秦楚之際月表

六國表

封禪書

秦始皇本紀

先儒謂秦時詔令雜以吏牘自是一種文字然漢詔之下漢詔之前實另具一段精嚴偉麗元景此其第一令已絕大不羣

秦初并天下令丞相御史曰寡人以眇眇之身興

兵誅暴亂以謙吻作夸賴宗廟之靈六王咸服其辜

總前六國罪天下大定今名號不更無以稱成功傳

後世其議帝號言下已前無古人矣丞相綰御史大

夫劫廷尉斯等秦初三公之職如此皆曰昔者五帝地方千里

其外侯服夷服諸侯或朝或否天子不能制將其即

敷衍不更今陛下興義兵誅殘賊平定天下海內為

郡縣法令由一統自上古以來未嘗有五帝所不及

秦人萬古罪案即萬古功案臣等謹與博士議曰有古有天皇有

地皇有泰皇泰皇最貴古拙可愛此即封禪書悠謬之說也臣等昧死

上尊號王為泰皇命為制令為詔天子自稱曰朕王

曰去泰著皇古勁之極采上古帝位號號曰皇帝他如議

制曰可追尊莊襄王為太上皇又了制曰朕聞太古

有號毋諡首接太古為說波瀾甚壯中古有號死而以行為諡如

此則子議父臣議君也甚無謂朕弗取焉斷得妙自今

以來除諡法朕為始皇帝後世以計數二世三世至

千萬世傳之無窮意極愚而詞極婉

先自定議復稱制以可之也
稱制可奏始於此
實為媚媚

只三十餘字有援
引有跌宕有斷制

丞相綰等言諸侯初破燕齊荆地遠不爲置王母以

填之

填鎮古字通用亦有竟作填義者更古

請立諸子唯上幸許始皇

下其議於羣臣

下其議亦始此

羣臣皆以爲便廷尉李斯議

曰周文武所封子弟同姓甚衆然後屬疏遠

凡人臣引議不

援目前所至切者爲言則其議難申斯得其旨矣

相攻擊如仇讐諸侯更相

誅伐周天子弗能禁止

總只申初令之旨細味自知

今海內賴陛

下神靈一統皆爲郡縣諸子功臣以公賦稅重賞賜

之甚足易制天下無異意則安寧之術也置諸侯不

便

數言利害皆盡

始皇曰天下共苦戰鬪不休以有侯王賴

秦計誠非然千百不能易者積重之勢使然也

法最古健絕去
切支葉

宗廟天下初定又復立國是樹兵也而求其寧息豈

不難哉廷尉議是始皇語語有蓋世之氣分天下以爲三十六

郡郡置守尉監等官三更名民曰黔首太酺以大酺收分郡案下

又逐收天下兵聚之咸陽銷以爲鍾鐻金人十二重

各千石置官廷中兵一銷一法度衡石丈尺車同軌書

同文字律二同地東至海暨朝鮮西至臨洮羗中南至

北嚮戶北據河爲塞並陰山至遼東三輿徙天下豪

富於咸陽十二萬戶諸廟及章臺上林皆在渭南四建

京

始皇初令羣臣既以為上古所未有五帝所不及故凡進諫者皆以謗古為本淳于生獨以

三十四年 始皇置酒咸陽宮博士七十人前為壽
僕射周青臣進頌曰他時秦地不過千里賴陛下神
靈明聖平定海內放逐蠻夷日月所照莫不賓服亦
初并天下之以諸侯為郡縣人人自安樂無戰爭之
令衍出來患傳之萬世自古不及陛下威德始皇悅博士齊
人淳于越進曰臣聞殷周之王千餘歲封子弟功臣
自為枝輔今陛下有海內而子弟為匹夫卒有田常
六卿之臣無輔拂何以相救哉始皇喜操切此事不
師古而能長久者非所聞也痛切而今青臣又面諛
踈宕

殷周為言宜其如水投石也全段總以古今為眼目

前段專駁淳于故文勢作韻

以重陛下之過

重字妙有激射

非忠臣始皇下其議

越言亦越言始

皇猶知下其議可不謂猶有君人之度乎

丞相李斯曰五帝不相復三代

不相襲各以治非其相反時變異也

引古曲說

今陛下創

大業建萬世之功固非愚儒所知且越言乃三代之

事何足法也

此段為焚書案然屢提儒生過失實為坑儒伏脈

異時諸侯並

爭厚招游學今天下已定法令出一百姓當家則力

農工士則學習法令辟禁今諸生不師今而學古以

非常世惑亂黔首

諸生罪案已定其語甚辣妙在遽住

丞相臣斯昧死

言古者天下散亂莫之能一

亦從平定一統

是以諸

後段歸獄詩書特
更端另起

妙在寫得紛紛雜
雜便見詩書煞甚
壞事

侯並作語皆道古以害今飾虛言以亂實人善其所
私學以非上之所建立人各以其所私學者為善也長句曲而動今皇帝
并有天下別黑白而定一尊私學而相與非法教二
皆指是古非人聞令下則各以其學議之入則心非
今者言之出則巷議夸主以為名異取以為高率羣下以造謗
秦時秦議凡欲重其罪者多疊雜而出之如逐客督責諸書皆然如此弗禁則主勢
降乎上黨與成乎下鑽入操切人心孔禁之便臣請史官非
秦記皆燒之非博士官所職天下敢有藏詩書百家
語者悉詣守尉雜燒之左史記事右史記言古制也兩層上指記事之書下指記

擬令要一字無虛
設先秦文不可及
如此

言之書甚明。有敢偶語詩書，棄市。以古非今者，族。吏知見

不舉者，與同罪。令下三十日不燒黥為城旦。前布其令此詳

其所不去者，醫藥卜筮種樹之書。若欲有學法令以

吏為師。律外餘文甚周。此實後世造律之祖。制曰可。

本紀無稱字之例
此獨稱字者所以
別于真帝也史遷
深惜項羽之無成
故特徇此格
提出項燕王翦以
著秦項世仇提出
世為楚將以著霸
楚緣起

項羽本紀

項籍者下相人也字羽初起時年二十四諸紀傳無特著初起

之年此獨大書之所以為三年滅秦其季父項梁

五年亡國作張本正是痛惜之意

父即楚將項燕為秦將王翦所戮者也項氏世世為

楚將封於項故姓項氏項籍少時學書不成去學劍

又不成特寫兩不成一不肯竟學項梁怒之籍曰書

足以記名姓而已劍一人敵不足學學萬人敵語倔強而

說書劍處又有層折見劍雖差勝於是項梁乃教籍

于書而意猶未厭也如聞其聲兵法籍大喜略知其意又不肯竟學真英雄氣繫在此句